

## QUÆSTIO MEDICA,

CARDINALITIIS DISPUTATIONIBUS

manè discutienda, in Scholis Medicorum, die Jovis decimâ Martii  
anni M. DCC. XXXV.M. NICOLAO LE TELLIER,  
Doctore Medico, Præfide.*An ex abusu rerum non naturalium Vertigo?*

I.



VERTIGO à vertendo affectus, cùm omnia videntur circumrotari. Est imaginatio depravata falsæ circumgyrationis objectorum & sui ipsius, interdum cùm visus obscuratio, casu, palpitatione cordis, aliisque symptomatibus proveniens, præsertim ex abusu rerum non-naturalium, à spiritibus animalibus tumultuatim & inordinatè commotis. A Wilisio definitur affectio « in quâ objecta visibilia circumrotari videntur, sentiuntque affecti perturbationem seu confusionem, spirituum animalium in cerebro, ut nervos non ritè influant; quare facultates visivæ, & loco motivæ sæpè aliquatendis vacillant, ut laborantes corruant, nec rarò à tenebris offuscentur. » Illa externorum naturaliter quiescentium menti evidens rotatio spiritibus animalibus circulariter vorticis instar agitatæ & in nervum opticum disfluentibus debetur. Inordinatus fit spirituum animalium motus in oculis, auribus, aliisque sensuum organis agitatorum; spirituum circumgyrata motio & in retinam illisio, objectorum externorum circumgyrationem apparere facit, dum talem motum excitat qualem objecta externa, re verà in gyrum mota. Undè deducendi sunt varii colores, splendores præ oculis versantes, ipsa caliginis apparentia, sensibilis oculorum illusio, aliquandò pulcherrimos iridis colores vident stupefacti; quos quidem non modò vertigine correpti, sed & in hanc proximè lapsuri juxta modum quo afficiuntur vividitè cernunt. Hinc ubi primò in summa peste affecti homines sunt vertiginosi, viros quasi per prismata colores in quibuscunque parietibus vident, auctore Boyleo. Mutatà visus axis in binis retinæ focus, res eadem geminata depingitur. Pariatione appulsus inordinatus spirituum ad tunicam Cochleæ sonitum excitat in auribus similem illi qui à contactu aëris interni naturaliter oritur. Tinnitus aurium intra Tympanum & Tubam Eustachianam fit acutissimus modò fistularum cantus mirificos, modò rivi leniter fluentis susurrum, modò minaces serpentum sibilos, horrendos fremitus, stridores, bombos, irrequietosve colluctantium undarum vortices audire reipsa sibi fingunt. Ulteriùs si inordinatus hic spirituum motus ad musculos continetur, nunc ex eorum anomali influxu convulsiones superveniunt, illicò fit lapsus præceps, nausea & vomitus. Totum spirituum animalium systema imperuosius in cerebro concitari in graviore vertigine videtur. Fit Lipothymia sine dolore imò cum sensu quodam grato suum in musculos imperium sentiunt aliquandò deficere; tibie solvuntur, humi repunt, suimet propinquorumque obliti, functiones mentis delentur, rerum quas primò audierint vix recordantur, & jam uno instanti si syncope fit lethalis, cor Pa-



ralyticum fit & Apoplecticum. Apoplexiâ hâc ineunte plerumque vomitus, spuma furtim ejicitur; hîc est crebrior vertiginis in Apoplexiam transitus, sæpius tamen palpebras ad vehementiores quosdam sonos attollunt statimque demittunt. Sensum hebetem, offuscatum & quasi sepultum cernere est, mens excitatur stimulus, motus adhuc superest, sensilis ferè simul & evanescens.

## I I.

**V**ERTIGO vel est morbosa, vel critica; de posteriori hîc non agitur, hanc tamen pro illa non habeat Practicus, ne errantes in praxi naturam evacuationem criticam molientem inturbemus. Morbosa vertiginis duplex emergit differentia, idiopathica & sympathica, priusquam ab utroque isto fonte uberrimas vertiginis causas depromam; externas ex abusu rerum non-naturalium enarrare libet. Corporum externorum gyratio; præcipuè si sit celerissima, & ab oculo intentissime defixo diutius observata. Nullum oculi solidis & liquidis inest vitium, opertus & apertus à vertigine liber est; quid aliud ergo contingit: nisi quod retina ab iis successivis circulis, in ipsam quælibet rei visæ puncta immittentibus celerrimè percussa tremiscat, objectumque modò ad dextram modò ad sinistram rotatum, in nervo visorio depictam sui mutans imaginem visus organum perturbet, ut patet ex opticis. Hinc contorti aquarum vortices, rotæ celerrima circumvolutio, versatilis turbinis impulsio, densa nix rotatilis è cælo commotiori, aurâ flante, per flocculos divergentes cadens, similiaque ab autoribus observata, sunt totidem causæ vertiginis. Ipse validissimus tubarum clangor, subitus terræ tremor vehemensque concussus, inexpectatus bellici tormenti excussus, horrida tonitrua, &c. mentem sæpè usque ad vertiginem movent. Scaphæ jactatio reciproca, tumidis fluctibus in sublime attolli, ad inferos subito impetu deprimi, motus in thedâ retrò præsertim in obliquis & asperis itineribus, impetiosi fluminis prospectus ex loco altissimo in profundum, aultrina tempestates, similesque causæ ab Hippocrate Foresto, &c. recensitæ oculos agunt in vertiginem vomitu, faciliè curabilem. Præter istas vertiginis causas externas, Flexuosa gestatio per tortuosos labyrinthos anfractus, vel per assiduos gyrei itineris flexus; hinc quibus est Epileptica diathesis, per leves, rectas ac superiores vias semper isti deambulent, monente Aræto, ne scilicet variæ imagines successivè transeuntes retinam vertiginosè afficiant. A rotatione corporis, idem à fortiori fieri patet; non ne equidem saltatione in gyrum cadunt veluti temulenti? non ne equus oculis non velatis in circulum molendinam agens, post duas circiter horas vertiginosus procumbit?

## I I I.

**P**ERGIMUS ad causas vertiginis idiopathicas: inter quas Spirituum inertia primas obtinet. Quemadmodum ab exercitatione citatiori spiritibus sanguis depauperatur & incalêscit, quò fervidior est juvenia, febre insurgente eo pestis periculosior; ita maxime proni sunt in vertiginem quibus annuente Aræto Spiritus adeo sunt imbecilles, ut nutanti impetui sustinendo prorsus im-pares cum circulo vertantur. » Hinc auctore nostro Dureto, turbulento motu » ac veluti circum actu spiritûs animalis, flatulento spiritu atque maligno, » non secus atque bombus & Echo in auribus, hallucinatio in oculis & caligatio. » Jam verò spiritus infirmior est, 1<sup>o</sup>. Hypochondriaci, sive sint res-pectu materiæ lentæ, viscosæ, in vasis à pravo victu & crassiori procreatæ, & in illis stagnantis, quæ dein putrefactione & fermentatione volatilis facta in

nervos pessimè agit, sive respectu partium fumantium, id, est liquidi nervi mirè mobilis, humorumque tenuium tunc facillimè exhalantium. 2°. Hysterica ferè omnes, teste sydenhamo, de Spirituum dejectione conqueuntur, habentque cum affectu hypochondriaco signum pathognomicum prorsus idem, affectio hysterica ita vehementem cordis palpitacionem excitat, ut sonitus cordis in costas arietantis audiat, tum fit caligo eò magis tenebrosa, quò majori impetu cor concutitur. 3°. Atrabiliarii spiritus infirmitate laborant: in hisce liquidissimà & mitissimà sanguinis parte exhalatà pars terrestrior subsistit, congeritur, mixtaque cum sulphureis & oleosis partibus, materiem picis instar adhaerentem efformat, quæ forsan ad pancreas, omentum, hepar, splen, mesenteriumvè deposita, dein per corpus agitata vertiginem provocat. 4°. Eadem debilitas à nimis cultà venere quæ frequens corpus solvit, ex Celso, ergo parcius lenociniis ejus citillantibus indulgendum.

#### IV.

**S**UNT multæ aliæ causæ hujus morbi sympathicæ; partes quarum consensu fit vertigo, sunt imprimis ventriculus cujus varia peccata præcipue viciosus acor volatilis orificium superius, affligens vertiginem infert, verbi gratià, ebrietas & fumus Tabaci; inedia etiam nunquam diuturnior est, quin bilis sursum mota vertiginem procreet, vel fame pressi vermes ab illorum morfu in nervos cardiacos pessima mala, insultusque generent Epilepticos, his ergo post jejunia diuturniora furentibus, non tantum evacuanda bilis, sed adhibenda Anthelmintica. Ira furens quatenus in ductus biliarios duodeno connexos potissimum agens accendit bilem inæstuantem, ejusque ascensum cogit. Qui imbecilli sunt corpore ut senes & statibus abundanti, facillè sunt vertiginosi. Undè iræ ortum immeritò refundebant in bilem Homerus & Hippocrates. Bilis alvina ventriculorum ingressa non sine jure exulta à Dureto accusatur. » Instar auræ nigræ & humidæ, inquit, fuliginem » mittit spiritum visorium insipientem. » A Pure hepatis in ventriculum elapso quot & quantæ cum vomitibus sædis, vel per alvum crebris secessibus sæviunt vertigines, quæ quidem, donec à rupta vomica totum pus eruperit, quidquid egeris obstinatè perseverant, tum si Medicus hæc symptomata à læso capite oriri parum gnarus censuerit, cucurbitas, venæ sectiones, aliaque jubebit debilitantia, dum vomica solum modò expurganda erat; ab Ingluvie, si nimia vel opitumor ciborum copia ingeritur, si quis vino largiori sese ingurgitat febre crapulari & dein vertigine angitur. Supra naturalem nixum extenditur ventriculus, nervi sunt quasi paralytici, vasa omnia, exceptis ramis utrique orificio adjacentibus compressa & obruta suffocantur. Hinc ad orificia ruente omni sanguinis & spirituum vi ambo ingenti spasmò clauduntur. E materià calefactà, turgescente, rarefactà putrescente, quædam sursum feruntur nebulae in vertiginem brevi còeunt. Quamvis vertigo ut plurimum fiat ex vicio stomachi, præterea tamen ex liene, renibus aliisque partibus nervis insignioribus ditatis per consensum itidem oriri potest. Venena quædam illam excitant & foveant, sive ventriculi nervos cerebri nervis continuos mordeant & irritent, sive per venas lacteas, sanguini permixta, illum in oculorum arteriis rarefaciant. Quor & quantas vertigines Epilepsias, &c. ab ingesta cicutà aquaticâ sævisse narrat Wepferus. Frustra vitri, aciculæ, lapilli, &c. imprudenter deglutiti, & sese ad hiatum Pilori figentes miris symptomatibus stipantur, quod sæpissimè in apertis cadaveribus, Helmontio, Ruischio aliisque paruit; lac coagulatum in infantibus est

4

etiam causa illius affectus frequentissima. Quando nempe liquidiori parte transfluxa lac in colostrum mole majus abit, quam ut per pylorum transeat, tunc accedit, novo lacte ingesto mox serum demittitur, parsque crassior altera priori sese affligit acido, donec tandem crusta lactea exquisitè oppleatur ventriculus. Infantes isti, si coagulum non dissolvitur, febre continua laborantes perterriti, omnem lucis ortum refugientes Epileptici & Apoplectici aliquando miserandum in modum expirant. Omnes evacuationes solite, nullâ supplente aliâ, à quacunque causa retentæ; Si lochialis fluxus retentus ad caput ruit sæpe vertigo præsto est, & aliquando Paralysis & Apoplexia; si sanguis cohibetur qui è naribus fluere consueverat, si solitus mictus, periodicave sanguinis spuitio sistitur, si corpus non diffletur aut sudore, aut labore antea fatigatum, tinnient aures, caput dolebit, oculorum acies hebescet, distendentur venæ. Idem à solito hæmorrhoidum profluvio coercito. Infolatio & omnes corporis exercitationes immodicæ quæ humores fundunt, agitant, in vapores subtilissimos dissolvunt, vertiginem excitant.

V.

UT ex recto rerum non-naturalium usu stare finitatem, sic ex earum abusu, omnes ferè morbos originem ducere in confesso est. Vel minimos errores in diata brevi vertiginosus luet, vel in vertiginem ex gravissimis brevi incidet cui vertiginosa diathesis inest. Quamdiù spiritus animales tranquilli & imperturbatè se habent, functionum suarum actus ordinatos obeunt, sed dum irregulariter sunt commoti præcordia exagitant, indebitoque modo insuunt, sanguinem à debito excursu cohibent, qui proinde cum gravamine in cerebro aggestus vertiginem infert; in omni enim sensatione spiritus animales commoventur, eorumque motus in extimo sensorio ab objecti appulsu excitatur ut patet exemplis supra allatis. Spiritus animales contaminantur ab aëre impuro, nebulofo, rerum grave olentium exhalatione, inquinantur ab alimentis noxiis & corruptis tempore nimirum arctioris annonæ, obsidionum, navigationum longinquarum, &c. tum ab animo variis ac sæpè contrariis affectibus simul & potenter agitato, undè ex humoribus variis malè affectis excitantur necessariò halitus diversi, qui sanguinis circuitu transferuntur ad cor, ipsum cerebrum & spiritus animales infecturi. Spiritus animales extra statas series, & ordines suos perturbati, tum intra cerebri meatus huc illuc fluctuant & inordinatè moventur; irradiatio in partes motrices inhibetur: » Interim qui in cerebro resident huc illuc » lati diversa phantasmata ex molestia à præcordiis impressa concipiunt. Enim verò, » inquit Willisius hæc duo ferè semper reciproca, se mutuo excipiunt, & ab invicem » dependent, nempe spirituum intra cerebri meditullium perturbato, eorumque effluxus in nervorum genus impeditus; quacunque de causa alteruter affectus infertur mox alter subsequitur. » Corporis circumgyratio, vectio in curru, aut navi, nec non ebrietas, & inasuetus Nicotianæ fumus, halitus carbonum ardentium, &c. Spiritus in cerebro confusi ex abusu rerum non-naturalium scotomiâ aut objectorum circumrotationem inducunt.

*Ergo ex abusu rerum non naturalium Vertigo.*

Proponebat Parisiis, LUCAS AUGUSTINUS FOLLIOT DE  
SAINT VAST, San-Laudæus-Constantiensis, Baccal. Medicus,  
A. R. S. H. 1735. à sextâ ad meridiem.